

Mazarin
2996

Recit exact et fidel...

UNIVERSITY OF N.C. AT CHAPEL HILL



00023009138

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
2996**

17
2996
10
2996
RECIT EXACT
ET FIDEL
DE CE QVI S'EST PASSE
A LA
CONFERENCE
DE RVEL,
Pour la Negotiation de la Paix.



A PARIS
Chez NICOLAS BESSIN, Imprimeur & Libraire, au Palais,
en l'allée S. Michel; Et rue des Carmes,
au mont S. Hilaire.

M. DC. XLIX.
AVEC PERMISSION.

R E C I T E X A C T E T F I D E L
de ce qui s'est passé à la Conference de Ruel, pour
la Negotiation de la Paix.



Nous arriuasmes Ieudy à Ruël; sur les quatre heures nous fusmes arrestez à la porte S. Honoré deux heures au moins, pendant lequel temps les Bourgeois visiterent nostre bagage: Aussi-tost nostre arriuée Monsieur de Sainctot vint chez Monsieur le premier President qui loge au logis de Monsieur Croiset. Comme il n'y auoit avec luy que cinq de Messieurs, il nous dist, que Monsieur le Duc d'Orleans attendoit les Deputez pour commencer la Conference qui se deuoit faire avec luy, avec Monsieur le Prince, Monsieur le Cardinal, Monsieur le Chancelier, & autres du Conseil: Que Monsieur le Prince seroit à la gauche, & le Parlement & les autres Compagnies en suite. Monsieur le premier President dist qu'il voyoit d'abord deux difficultez en cette proposition, l'une pour la personne de Monsieur le Cardinal, & l'autre pour la seance, qu'il alloit assembler Messieurs les Deputez de toutes les Compagnies pour en deliberer, ce qu'ayant esté fait à l'instant, il fut resolu qu'on diroit audit sieur de Sainctot que la Compagnie ne pouuoit entrer en Conference avec ledit Cardinal. Sur ce ledit sieur de Sainctot estant retourné, & fait entendre sa creance, rapporta à la Compagnie, que la Reyne desiroit qu'il y fust, & quel ayant choisi pour Deputé, le Parlement ne deuoit le trouuer mauuais, puis que l'on n'empeschoit pas que tous ses Deputez ne fussent à la Conference, & que ce n'estoit point aux subiets à donner la loy à leur Souuerain; qu'on eust à declarer si l'on n'entendoit pas qu'il y fust, auquel cas Monsieur le Duc d'Orleans s'en retourneroit à S. Germain. Les Deputez préuoyant que cette responce alloit à la rupture de la Conference, prirent ledit sieur de Sainctot d'aller dire à Monsieur le Duc

817440

944.03

M475m

No. 2996, vt.

d'Orleans qu'il trouuaſt bon que l'Assemblée luy rendiſt ſes deuoirs, & que deux d'icelle l'informeroyent des raiſons pour leſquelles la Conference ne pouuoit eſtre faite avec ledit ſieur Cardinal. Monſieur le Duc d'Orleans repliqua, qu'il n'eſtoit point venu pour receuoir des complimens; qu'il eſtoit venu pour donner la paix à la France, & que cela pouuoit eſtre fait en demy' heure; qu'il falloir que le ſieur Cardinal fuſt à la Conference. Les Deputez luy mandèrent qu'ils n'y pouuoient conſentir, qu'ils le prioient de trouuer bon que deux de Meſſieurs luy fiſſent entendre les Motifs de l'Assemblée. Monſieur le Tellier fut enuoyé de ſa part pour apprendre ſes Motifs, & les demanda à Monſieur le premier Preſident, qui luy diſt en preſence de tous Meſſieurs, que l'Assemblée ne le pouuoit admettre à la Conference, pource qu'il auoit eſté déclaré Perturbateur du repos public, que c'eſtoit l'ennemy commun, & que c'eſtoit contre luy que ſe faiſoit la Conference. Ledit ſieur le Tellier diſt, que ſi l'Assemblée entendoit que ledit ſieur Cardinal ne fuſt point admis à la Conference, qu'il auoit charge de mondire ſieur de dire qu'il s'en retourneroit à S. Germain, & que nous pouuions retourner à Paris; & repetant cela par trois fois, il ſe retira diſant, que Monſieur alloit monter en carroſſe. Les Deputez reſolurent auſſi de ſ'en retourner à Paris le lendemain, & de demander l'eſcorte pour cela; chacun ſe retira chez ſoy. Le lendemain Vendredy eſtans leuez, nous donnâmes ordre de charger noſtre bagage, & allâmes à la Meſſe, au retour de laquelle nous nous aſſemblâmes tous chez Monſieur le premier Preſident, où fut propoſé que Monſieur ne ſ'en eſtant point allé, il y auoit apparence de croire que l'eſperance de renouer la Conference n'eſtoit perdue, & ſur cela chacun miſt des propositions en auant, ſur leſquelles comme on commençoit à delibérer, vint le ſieur de la Rouſſiere à la porte de la Chambre pour parler à monſieur le Preſident de meſme, qui luy diſt, que ſon Alteſſe Royale deſiroit parler à monſieur le premier Preſident & à luy: En ſuite de quoy fut mis en delibération ſ'ils y deuoient aller, & fut arreſté par l'Assemblée qu'ils iroient pour entendre ce que ſadite A.R. auoit à leur dire. L'après dinée l'Assemblée eſtant continuée chez M^r le premier Preſident, il nous diſt, que pour obuier à la difficulté que l'on faiſoit d'admettre le ſieur Cardinal, l'on propoſoit de donner deux Deputez de la part de la Reine, & deux de la part de l'Assemblée, qui dans vne
chambre

chambre particuliere de son A. R. qui est le Chasteau de Ruël, confereroient sur les propositions qui estoient à faire de part & d'autre, & rapporteroient aussi aux Deputez de part & d'autre ce qui auroit esté proposé, pour en deliberer & en porter la response aux mesmes Deputez, qui seroient les vns dans vne chambre dudit Chasteau, & les autres dans vne autre. Comme cette proposition s'alloit mettre en deliberation, est suruenue la lettre de l'un de Messieurs du Parlement, laquelle a vn peu surpris l'assemblée, apprenant que l'on n'auoit point eu de bleds à Paris. La proposition deliberée, a esté arresté que l'on se transporterait chez son A. R. pour luy rendre les respects, que l'on nommeroit des Deputez pour conferer avec les siens, & que nostre Assemblée seroit au logis de Monsieur le premier President, que les Deputez d'icelle iroient au Chasteau le iour suiuant & autres de la Conferance, & rapporteroient à l'Assemblée qui se tenoit au logis dudit Sieur premier President, & qu'ils le confereroient, & que pour la premiere fois que l'on iroit chez son A. R. que l'on entreroit en Cōferance, & que l'on ne parleroit que d'auoir les bleds promis pour le Mercredy, Ieudy, Vendredy, & Samedy. Aussi-tost la resolution prise, nous nous sommes transportez au Chasteau, où Monsieur le premier President a fait vn petit discours à Monsieur le Duc d'Orleans, en presence de Monsieur le Prince, Monsieur le Chancelier, Monsieur de la Meilleraye, Monsieur le Tellier, Monsieur de la Riuere, Monsieur de Brienne, & le sieur Cardinal vn peu esloigné & proche de la cheminée, qui sont les Deputez de le part du Roy. Le compliment fait, nous auons laissé son A. R. en sa chambre: De là sommes passez en vne où les Deputez de part & d'autre se deuoient assembler, & de là en vne autre, où nous deuions estre. Là estans assis, on a nommé pour Deputez pour la Conferance pour le premier iour Monsieur le President le Coigneux & Monsieur le President Violle. Sur ce le Sieur de Saintot est venu nous dire, que Monsieur le Chancelier & Monsieur le Tellier estoient nommez par son A. R. Aussi-tost lesdits Sieurs Presidents le Coigneux & Violle ont eu charge de se plaindre de l'inexecution de la promesse pour les bleds, & cōme ils partoient Monsieur de Champlostreux est entré porteur de lettres du Sieur Lesné Intendant à Corbeil, lesquelles luy auoient esté baillées par Monsieur le Prince,

par lesquelles on pretendoit iustifier de la diligence faicte pour lesdits bleds; mais cette lettre ne nous iustifioit rien de la liuraison. Apres plusieurs allées & venuës, nous auons obtenu quatre cens muids de bled pour lesdits quatre iours, moitié de Lagny, moitié de Corbeil, & à cette fin tous passeports ont esté accordez, & mis entre les mains d'un des Escheuins pour y veiller & donner aduis dès aujourdhuy; mais les cent muids du Mercredy ne nous ont esté accordez qu'à la charge qu'à l'heure mesme nous receurions les propositions & baillerions les nostres pour en deliberer. Ayant remis au lendemain nostre proposition, l'on a demandé l'ouuerture des passages pour toutes sortes de viures: la leur a esté que le Parlement iroit à S. Germain pour faire sa fonction pendant vn temps, apres lequel le Roy le congedieroit; qu'il ne feroit d'assemblées de Chambres de trois ans que pour Mercurialles & receptions; qu'il n'assisteroit à l'assemblée des chābres que ceux qui auroient vingt ans de seruice, & que l'Assemblée ne seroit faicte que par la resolution de la grand Chambre: les Deputez ont commis pour dresser nos propositions Messieurs les Presidens le Coigneux, Violle, de Longueil de Paris, de Bragelonne & Fournier.

Le Samedy à dix heures du matin Monsieur le premier President n'a pû estre à la Conferance à cause de sa maladie; cela fut cause que nous allâmes au chasteau, & entrâmes en la Chambre de nostre Assemblée par vn escallier qui est à l'entrée de la porte sans estre veus que de peu de personnes, & montrâmes droit en nostre chambre. Les Deputez ayans pris place, Monsieur le President de Mesme dist que Monsieur le premier President luy auoir enuoyé vne lettre qui venoit de la part de Monsieur le President de Bellieure, & auoit esté apportée le Vendredy au soir par Monsieur de la Roussiere premier Gentil-homme de la Chambre de Monsieur le Prince de Conty.

Aussi-tost la Compagnie sans deliberer, demeura d'accord que les Deputez du iour precedent iroient parler aux autres Deputez pour se plaindre de l'inexecution des promesses du bled, & fut dit par eux que l'ordre auoit esté donné, que l'on le pouuoit executer, & qu'ils estoient prests d'abondant de donner nouueaux ordres & nouueaux passeports, & a esté donné charge aux Escheuins pour y tenir la main: Ce fait on a leu les propositions qui auoient esté dres-

sées par Messieurs lesdits Deputez cy dessus nommez, qui estoient en ces termes.

Leurs Maiestez sont tres-humblement suppliées d'accorder dès à present l'ouuerture des passages pour toutes sortes de viures & denrées, comme aussi la liberté du commerce de l'un à l'autre, estant absolument necessaire pour la conseruation de la capitale Ville du Royaume.

Leurs Maiestez sont aussi tres-humblement suppliées pour paruenir à la paix generale de vouloir deputer des personages de probité & sursuffisance, entre lesquelles il leur plaira choisir aucuns Officiers de son Parlement.

Comme aussi le retour du Roy dans Paris, ce qui peut le plus calmer les esprits & reestabli la tranquillité publique, leurs Maiestez sont tres-humblement suppliées d'honorer Paris de leur presence aussi tost que la Conferance sera terminée.

Et ayant esté delibéré si elles estoient trouuées bonnes, il a passé toute d'une voix qu'ouy, & aussi tost ont esté portées aux Deputez de l'autre costé; & puis on a fait lecture des propositions données de la part de son A. R. qui estoient en ces termes.

Le Roy ayant transferé la seance du Parlement à Montargis pour les raisons qu'il a cy-deuant assez declarées, & depuis trouué bon que lesdits Officiers se rendissent dans trois iours à S. Germain pres sa personne pour y tenir son liét de Iustice, Sadite Maiesté veut que ladite translation soit executée, & pour cet effect donner toutes sortes d'asseurances pour les personnes, charges & biens desdits Officiers, lesquels demeureront & feront la fonction de leurs charges pres la personne de sa Maiesté iusques à ce que par icelle en aye esté autrement ordonné.

Qu'il ne sera fait aucune Assemblée des chambres dudit Parlement pendant trois années sans la permission expresse de sa Maiesté, si ce n'est pour les Mercuriales & receptions d'Officiers de la Compagnie, sans qu'eldites Assemblées il puisse estre traicté d'autres affaires; lesdites trois années passées nul desdits Officiers du Parlement ne pourra se trouuer esdites Assemblées qu'après vingt années de seruice: toutes les Chambres ne pourront estre assemblées pour quelque cause & occasion que ce soit qu'elle n'aye esté iugée legitime par la grande Chambre, à laquelle seule appartient d'en iuger.

Sur lesquelles ayant delibéré il a passé tout d'une voix que l'on n'y pouvoit entendre; & cette réponse a esté ainsi portée aux Deputez de son A. R. Avant que de se retirer il a esté dit, que le Sieur de la Roussiere aussi tost son arriué, auoit eu des gardes, qu'il n'auoit pû déposer la creance qu'il auoit vers le Parlement, & que l'on l'auoit fait loger chez Monsieur le Tellier, il a esté trouué à propos de demander qu'il eust liberté de venir exposer sa creance, de faire plainte de ce qu'il auoit esté arresté: ledit Sieur le Tellier a dit, que ledit Sieur de la Roussiere estant homme de condition pouvoit estre venu pour negocier autre chose que le fait de simples lettres, & que c'estoit la façon d'en vser ainsi aux personnes de condition; neantmoins si l'on desiroit l'entendre que l'on le feroit venir: & cela ayant esté resolu, ledit Sieur de Saintot l'est allé querir, & estant entré & baillé seance derriere Monsieur le President le Coigneux, il a dit, qu'il n'a autre chose à dire à la Compagnie que ce qu'il auoit dit à Monsieur le premier President, que c'estoit pour le fait des bleds; ce fait il s'est retiré.

L'aprèsdinée la Compagnie s'est derechef transportée au Chasteau en la mesme chambre, où estant assis pour attendre la réponse de son A. R. ladite A. R. Monsieur le Prince & Monsieur le Tellier sont entrez à l'impourueu dans la chambre: ladite Altesse s'approchant au milieu de la table estant debout couuert, & les autres demeurez debout & nuës testes, a dit, qu'il auoit rendu reponse sur nos demandes, & qu'il auoit accordé ce qui luy auoit esté demandé, & que nous ne luy auions point fait de réponse sur les siennes, & que c'estoit des longueurs affectées, & qu'il nous venoit dire pour derniere resolution que le Roy se departoit de la translation du Parlement à S. Germain, & se contentoit que le Parlement y allast en corps pour y estre tenu par le Roy en son liét de Iustice, & autoriser la Declaration qui seroit faite en cas que nous voulussions conclure la Paix; laquelle Declaration seroit concertée avec nous, & ne contiendrait que ce dont nous rōberions d'accord, que le Roy remettrait les trois ans de defences d'assembles à deux ans, & les vingt ans de seruice d'assister aux assembles à dix années, & qu'il y auoit vn reglement pour la Tournelle de deux ans de seruice qui pouvoit donner exemple à celuy là; que nous eussions à luy en rendre

rendre responſe dans le lendemain huit heures du matin, autrement qu'il s'en iroit à S. Germain, & que nos paſſeports ſeroient preſts pour retourner à Paris; Qu'il proteſtoit que nous ſerons reſponſables de tous les malheurs qui arriueront à la France ſi l'on ne ſatisfaifoit à ce qu'il deſiroit de nous: Monsieur le Prince a fait la meſme proteſtation contre nous. Monsieur le Preſident de Meſme a reſpondu fort genereuſement, & en ſubſtance a dit, que la Compagnie auoit ſujet de remercier ſadite Alteſſe de la bonté qu'elle auoit teſmoignée, la ſupplioit de la vouloir continuer & de ne pas croire qu'elle euſt apporté des longueurs, qu'elles ne procedoient point de la part des Deputez, mais pluſtoſt de l'inexecution des promeſſes qu'on leur auoit données, n'y ayant eu aucuns viures amenez à Paris iuſques à ce iour. Monsieur le Duc d'Orleans & Monsieur le Prince ont interrompu, & ont dit, qu'ils n'eſtoient point marchands de bled, & que c'eſtoit aſſez d'auoir expedie des paſſeports pour cet effet. M. le Preſident de Meſme a reparty, que pour la premiere propoſition touchant la tranſlation du Parlement, qu'il n'y auoit point d'exemple; que ſ'il n'eſtoit queſtion que de ſoumiſſions, le Parlement n'auoit jamais manqué d'en faire, & qu'ils ſouhaiteroient les faire comme bons & fidels ſubjets & Officiers: Pour la deſenſe des Aſſemblées, que cette propoſition ſembloit contraire à l'eſtabliſſement du Parlement; Que qui diſoit Parlement diſoit Conference & Aſſemblée; Que lors de la Ligue Meſſieurs des Enqueſtes auoient beaucoup contribué à l'affermiſſement de la loy Salique par l'Arreſt qu'ils auoient donné, qui auoit aſſeuré la Couronne du deſunct Roy Henry le Grand ſon pere, qui en auoit teſmoigné depuis toute ſorte de gratitude à la Compagnie. Ce diſcours continuant plus auant, Monsieur le Duc d'Orleans a derechef interrompu, & a dit, que la Compagnie auoit entendu ce qu'il auoit dit, & l'a encores repeté; Et Monsieur le Prince a dit, que ce qui auoit eſté en ce temps-là auoit eſté fait courageuſement, & que l'on en auoit ſceu gré à ceux qui l'auoient fait, mais que le temps eſtoit changé, & que les affaires du Roy requeroient ce que Monsieur le Duc d'Orleans deſiroit fuſt executé, & ſur cela ſe ſont retirez de la compagnie: N'ayant pas bien pris les termes de la propoſition faite par ſon Alteſſe Royale, & trouuant quelque difficulté à l'intelligence des propoſitions on a enuoyé par deux fois les Deputez pour prendre les propoſitions par eſcrit,

mais cela leur ayant esté refusé, ils les ont raportées intelligiblement aux termes cy - dessus. Ce fait on a leu les Apostilles qui auoient esté mises sur nos propositions, dont la teneur ensuit.

1. Sa Majesté l'accorde tres-volontiers pour estre executé dès le moment que le Parlement aura rendu au Roy l'obeissance qu'il luy doit, & n'oubliera rien pour faire que le commerce & toutes sortes d'abondances soient restablies dans la capitale du Royaume au plus haut point qu'elle ayt jamais esté.

2. Sa Majesté l'accorde aussi tres-volontiers, & ne fera rien en cela qu'elle n'aye pratiqué par le passé, ayant employé à la negociation de la paix à Munster Messieurs Dauau & Seruien, qui sont personnes de suffisance esprouuée; Que si les Espagnols se disposent à vouloir traiter la paix à Munster ou sur la frontiere, à quoy la fin des desordres presens contribueroit beaucoup, qui despend de l'obeissance du Parlement, sa Majesté y enuoyera au plustost ses Deputez, & fera l'honneur à la Compagnie de choisir quelqu'un dans son Corps.

3. Sa Majesté l'accorde encores tres-volontiers, & à plus d'impatience que qui que ce soit de retourner à Paris, ce qu'elle fera dès que les choses seront en l'estat qu'elles doiuent estre, ayant non seulement entiere disposition à pardonner les fautes des habitans de ladite ville, mais mesmes à leur confirmer leurs priuileges, & les faire iouyr comme tous les autres peuples du Royaume de toutes les graces qu'elle leur a departies, & nommément de celles qui sont portees par la Declaration du mois d'Octobre dernier.

Aussitost la Compagnie a proposé ce qu'il y auoit à faire sur les propositions de son Altesse Royale, & d'un commun vœu a iugé qu'il falloit en remettre la deliberation au lendemain en presence de Monsieur le premier President; Et les Deputez ont esté enuoyez à Monsieur le Duc d'Orleans pour le prier de le trouuer bon, lequel a fait responce que nous auions desia^{de} deliberé sans Monsieur le premier President, & que nous le pouuions faire encore, attendu que l'affaire pressoit. Aussi-tost la Compagnie s'est transportée chez mondit sieur le premier President qui venoit d'estre seigné; Monsieur le President de Mesme a eu ordre de l'aller trouuer pour luy demander s'il auoit agreable que la deliberation d'une affaire si importante se fust en sa presence, & a raporté à la Compagnie que si on vouloit remettre la deliberation au lendemain mondit sieur

le premier President y assisteroit. Sur ce la question s'est meue, si on la delibereroit ou si on la remettroit au lendemain: la resolution fut prise de deliberer le lendemain à sept heures precises pour en rendre response à son A. R. sur les neuf heures, & les Deputez priez d'aller chez Monsieur le Tellier pour en informer sadite Altesse Royale, & le supplier de le trouuer bon, lequel a témoigné auoir agreable la forme de la Conference, qui a esté telle que le sieur de Sainctot estoit hors de la Chambre où nous nous assemblions dans vn passage, lequel attendoit les Deputez, lesquels estans rentrez dans ledit passage, ledit sieur de Sainctot va aduertir Monsieur le Chancelier & M. le Tellier qui sont en la Chambre de son A. R. lesquels viennent à la Chambre de la Conference des Deputez, s'assient du costé du feu à vne table, & nos Deputez de l'autre costé, & là ils font les propositions de part & d'autre.

Le Dimanche 7. Mars 1649. du matin, Messieurs les Deputez estans assemblez chez Monsieur le premier President, Monsieur le President de Mesme a fait lecture d'une lettre enuoyée ausdits Deputez par Messieurs Barenne & Andree Conseillers Deputez du Parlement d'Aix, au Parlement de Paris, avec les articles contenant leurs pretentions.

MESSIEURS,

Ayant receu l'aduis de l'arresté de vostre Compagnie du dernier du passé pour la Conference de Ruel, nous ayant fait l'honneur d'y comprendre les interests de la nostre, suivant ce qui nous a esté prescrit, nous vous adressons les articles & pretentions de nostre Corps conformes aux instructions & pouuoirs à nous enuoyez necessaires pour establir le repos avec le seruice du Roy en nostre Prouince: Et comme il vous a plu agreer l'union de nostre Corps avec le vostre, nous esperons, Messieurs, de vostre zele & bonne volonté que vous prendrez le soin de nous procurer de la bonté du Roy & de la Reine Regente le contenu ausdits articles, & les passe-ports pour en faire instance à l'esgal des autres Compagnies; & d'autant qu'on pourroit aduan- cer que nostre Compagnie a voulu traiter, nous vous assurons, Messieurs, auoir aduis certain qu'elle a surcis à toutes propositions insques à ce qu'elle

eust receu nos lettres; Et apres si nous nous auions obtenu l' Arrest d'Union tous nos pacquets & les vostres ayans esté arrestez, ell'est maintenant informee, & nous assurez, qu'elle ne se separera iamais du dessein de suivre vos ordres & vostre exemple; ils nous sont trop aduantageux pour faire paroistre nostre passion & fidelité au seruice du Roy: la nostre, Messieurs en particulier, c'est de vous supplier d'agreer nos obeissances, & de croire que nostre gloire plus parfaite c'est d'estre,

MESSIEURS,

A Paris ce 5 Mars 1649.

Vos tres-humbles & tres obeissans
seruiteurs, BARENNE, ANDREE
Deputez du Parlement de Pro-
uence.

Après l'ouuerture de ladite lettre Monsieur le President de Mesme a fait recit de ce qui s'estoit passé le iour d'hier en l'Assemblée, en laquelle Monsieur le premier President n'auoit point assisté à cause de son indisposition, & a esté deliberé en suite sur les propositions faites par Monsieur le Duc d'Orleans, & arresté à l'égard du premier article que Messieurs du Parlement se transporteront en Corps à S. Germain pour remercier le Roy & la Reine Regente en France, de la paix qu'il auroit pleu à leurs Majestez donner à la ville, & pour là faire tenir son liët de Iustice pour y publier la Declaration qui sera concertee avec lesdits Deputez pour le reestablissement de la tranquillité du Royaume, sans y faire aucune autre fonction, & qu'incontinent apres Messieurs du Parlement s'en retourneront à Paris continuer les fonctions ordinaires de leurs charges. A l'égard du deuxiesme article que les Ordonnances & Declarations verifiees au Parlement concernant le fait de la Iustice, police & finance, particulièrement celles des mois de May, Iuillet & Octobre dernier seront executees, & que n'y estant innové le Parlement ne s'assemblera que pour la reception des Officiers & pour les Mercuriales pendant le reste de la presente annee 1649. Pour le troisieme article, que le Roy & la Reyne Regente seront tres-humblement suppliez de n'y point insister.

Ledit

Ledit iour Dimanche 7. Mars 1649. Messieurs les Deputez estant assemblez chez Monsieur le premier President, le sieur de Saintot Maistre des Ceremonies a frappé à la porte de la Chambre & demandé à parler à aucuns desdits Deputez, a esté fait entrer, & a esté chargé de la part de l'Assemblée d'aller chez Monsieur le Tellier Secretaire d'Estat, faire plainte de ce qu'on auoit retenu le Courier de ladite Assemblée à S. Cloud, depuis sept heures du soir iusques à sept heures du matin : Et à ledit sieur de Saintot présenté vn papier cacheté, & ledit papier ouuert s'est trouué des articles dont a esté fait lecture, lesquels ont esté mis entre les mains des Deputez cy-deuant nommez pour dresser les articles de l'Assemblée, afin d'en dresser d'autres qui seruiroient de responce, a esté en suite delibéré sur la lettre escrite par Monsieur le President de Bellievre, & sur la responce faite à la premiere proposition Messieurs les Deputez ont arresté que l'on incisteroit à ce qu'on laissast quelques passages libres pendant la negociation de la paix suiuant la parole donnée pour faire entrer dans la ville de Paris, non seulement plus grande quantité, mais foin auoine, chairs, salines & autres choses necessaires pour la subsistance des habitans d'icelle, & ont esté deputez Monsieur le President de Nesmond, & Menardeau Conseiller en la Cour, pour aller trouuer Monsieur le Chancelier & Monsieur le Tellier, & faire entendre le susdit arresté.

Le Lundy huictiesme Mars 1649. du matin, Messieurs les Deputez estant assemblez chez Monsieur le premier President, Monsieur le President de Nesmond a rapporté que suiuant l'arresté du iour d'hier, il a esté avec Monsieur Menardeau trouuer Monsieur le Chancelier, pour le prier que suiuant la parole donnée l'on donnast quelques passages libres à la ville de Paris, pour y faire entrer toutes sortes de viures & denrées necessaires pour la subsistance des habitans d'icelle : Et que Monsieur le Chancelier luy auoit promis de le faire entendre à Monsieur le Duc d'Orleans ce jourd'huy. Peu de temps apres les sieurs Fournier & Esliot Escheuins, Deputez pour la Conference, ont fait voir vne lettre qui leur auoit esté enuoyee de Paris, dont a esté fait lecture, portant de substance que ce qui auoit causé le manque de bled à Paris estoit la disette de batteaux, qu'il estoit necessaire de faire remonter de Paris à Corbeil, pour raison dequoy il falloit obtenir des passe-ports : Et ont esté lesdits Escheuins chargez de la Compagnie d'aller chez Monsieur le Tellier pour en obtenir, & vn ordre

general pour faciliter les conuois de bleds accordez pendant le temps de ladite Conference ; ce qu'ils ont fait , & ont enuoyé lesdits passe-ports , & ordre general à Paris : ont esté en suite leus les articles apportez le iour d hier par le sieur de Sainctot , desquels la teneur ensuit.

Que les Officiers de la Cour de Parlement & des autres Compagnies, Messieurs les Maistres des Requestes qui seront nommez par sa Majesté au nombre de vingt-cinq , se retireront en tel lieu qu'il plaira à sa Majesté leur prescrire , sans qu'ils puissent rentrer en la ville de Paris ny autres lieux que ceux qui leur seront ordonnez , ny faire aucunes fonctions de leurs charges iusques à ce qu'il en soit autrement ordonné par sa Majesté.

Que tous les Arrests qui ont esté rendus par ladite Cour depuis le fixielme Ianuier dernier , tant pour affaires generales que particulieres, ensemble celuy de Iuillet 1648. concernant les impositions verifiees en la Chambre des Comptes & Cour des Aydes , seront cassez & reuoquez , & les minutes & grosses tirées des registres de ladite Cour pour estre remis es mains de sa Majesté.

Que les gens de guerre qui ont esté leuez , tant dans la ville de Paris , qu'au dehors & qui sont encores sur pied , seront cassez & licentiez en vertu des pouuoirs donnez tant par ledit Parlement , que par la ville de Paris.

Le Preuost des Marchands & Escheuins assistez de bon nombre de notables Bourgeois , demanderont pardon au Roy pour les habitans de la ville de Paris , lesquels poseront presentement les armes , sans qu'ils les puissent reprendre que par l'ordre & commandement exprés de sa Majesté , à laquelle ils iureront de nouueau , de demeurer dans son obeissance , & de ne se despartir iamais de la fidelité qu'ils luy doiuent à peine d'estre traitez comme rebelles.

La Cour de Parlement de Paris renoncera à toutes ligues , associations & traittez qu'elle pourroit auoir fait contre le seruice du Roy tant dedans le Royaume qu'avec les ennemis de cette Couronne , & fera la lettre de creance , ensemble la creance de l'Enuoyé de la part de l'Archiduc Leopold tirée des registres de ladite Cour de Parlement , & mise entre les mains de sadite Majesté.

Tous les deniers , meubles , vaisselle d'argent & papiers pris & enleuez aux particuliers , ou qui auront esté vendus leur seront rendus

& restituez s'ils sont en nature , sinon la iuste valeur d'iceux , dont lesdits particuliers seront crûs par serment, tant pour la qualité que quantité. Et pour les deniers des Tailles, fermes des Gabelles, Aydes, cinq grosses fermes, Conuoy de Bordeaux qui ont esté pris & enleuez, ils seront rendus à sa Majesté , & ne pourront lesdits fermiers des Gabelles , Aydes , cinq grosses fermes & payement des rentes des Tailles , estre pourfuiuis ny contraints pour le payement des rentes estans sur lesdites fermes & Tailles pendant le temps dont il sera conuenu.

La Bastille, ensemble l'Arcenal , avec tous les canons , boulets, grenades, poudres & autres munitions de guerre , seront remis entre les mains de sa Maieité.

Que les modifications aportees tant par la Chambre des Comptes, que par la Cour des Aydes sur la Declaration du mois d'Octobre dernier, seront reuocquées.

Et que l'article huitiesme concernant les Comptans soit executé en adioustant & aucunement interpretant iceluy, les intereests & remises seront passez aux Comptes du Tresorier de l'Espagne en vertu des Arrests du Conseil qui les auront reglez & accordez , & des quittances des parties prenantes sans aucune difficulté.

Après la lecture desdits articles a esté delibéré en quelle forme il y seroit respondu , & a passé que ce seroit par articles ; ont esté derechef lesdits articles leus & arresté que sur le premier on respondroit, que la Compagnie ne peut consentir l'article comme contraire aux Declarations du Roy, Ordonnances du Royaume & paroles données & souuent reitérées.

Sur le deuxiesme , qu'on ne peut toucher à l'Arrest du mois de Iuillet comme précédant la Declaration du mois d'Octobre dernier: Non plus qu'à ceux qui ont esté donnez iusques au sixiesme Ianuier, n'estant point le siet de la Conference , à l'esgard des Arrests donnez depuis ledit iour sixiesme Ianuier, qu'après qu'il aura pleu au Roy & à la Reyne Regente declarer leurs intentions touchant les Declarations & lettres de cachet , & autres actes donnez depuis ledit iour, il sera fait responce à l'article.

Sur le troisieme , que l'accommodement fait & le siege leué

l'article sera accordé , si mieux n'ayme le Roy employer les troupes à son seruice.

Sur le quatriefme, que l'article sera conceu en ces termes ; Le Preuost des Marchands & Escheuins, accompagnez de bon nombre de notables Bourgeois , rendront au Roy leur obeissance & leurs soubmiffions , avec protestation d'une fidelité inuiolable ; & porteront les habitans de Paris les armes l'accommodement fait & le siege leué , ne les ayans prises que pour la necessité de leur deffense.

Sur le cinquieme , que cet article contient deux choses , le premier est inutile , le Parlement n'ayant fait aucuns traittez , ligues ny associations dedans ny dehors le Royaume. Au second le Roy & la Reyne sont tres-humblement suppliez que l'arresté demeure dans les registres en l'estat qu'il est , estant tres-respectueux , & la proposition ayant esté portée toute entiere à leurs Majestez sans en deliberer, pour receuoir sur icelles leurs volontez ; mais lescdites Majestez seront tres-humblement suppliées de trouuer bon qu'il soit respondu audit Enuoyé par le Parlement ; que la proposition ayant esté présentée à leurs Majestez , elles ont donné ordre au Parlement de luy faire entendre , que si le Roy d'Espagne veut enuoyer des Deputez en lieu qui sera conuenu pour traiter de la paix , leurs Majestez y en enuoyeront de leur part , dans le nombre desquels elles choisiront aucuns Officiers du Parlement.

Sur le sixiesme article , que les papiers & les meubles estans en nature & non vendus , seront rendus & : pour le surplus de l'article ne peut estre accordé , au contraire qu aucuns ny en general ny en particulier , ne pourront estre recherchez pour raison des choses contenuës en l'article , sauf à sa Majesté de faire telle grace qu'il luy plaira à ceux qui seront interessez aux choses contenuës en iceluy.

Sur le septiesme , que l'accommodement & le siege leué , il sera executé.

Sur le huitiesme , ledit article ne tombe point en la deliberation de la Conference , & n'y peut estre pourueu que par les voyes de droict en la forme ordinaire.

Sur

Sur le neuf, qu'il ne peut estre accordé aux termes qu'il est couché, & sera la Majesté tres-humblement suppliée de laisser le Jugement des interessez couchez en ligne de compte à la Chambre, à laquelle la cognoissance en appartient.

A la lecture du dernier article, Monsieur le President Amelot premier President de la Cour des Aydes, a dit, que dans le dessein qu'auoit sa Compagnie de demeurer dans l'Vnion avec le Parlement, il prioit Messieurs du Parlement de leur laisser la cognoissance de ce qui estoit de leur Iurisdiction: & qu'ils trouuassent bon que s'il suruenoit quelque contestation pour raison de ladite Iurisdiction, le Procureur General de ladite Cour des Aydes confcrast avec celuy du Parlement, & s'ils ne s'accordoient, que les Presidens & Conseillers de la Cour des Aydes conferent avec ledit Parlement: Monsieur le premier President a respondu que le dessein du Parlement n'auoit iamais esté d'entreprendre sur la Iurisdiction de la Cour des Aydes, & que l'ordre accoustumé en cas de contestation entre les Compagnies deuoit estre gardé, que c'estoit que le Procureur General de la Cour des Aydes descendoit au Parquet du Parlement; & en cas que le differend ne fust terminé, vn President & deux Conseillers en ladite Cour venoient au Parlement en conferer.

Le Lundy huiëtiesme mars 1649. de releuée, Messieurs les Deputez assemblez chez Monsieur le premier President, Messieurs les Presidens le Coigneux, & violle President aux Enquestes, Deputez pour porter les Responces aux trois premieres propositions faites par Monsieur le Duc d'Orleans, ont rapporté qu'ayant esté trouuer le iour d'hier, ledit Sieur Duc d'Orleans, il leur auoit tesmoigné n'estre pas satisfait de la Responce faite sur l'vne des propositions touchant la cessation de l'Assemblée des Chambres, ne voulant pas que dans le dispositif de la Declaration qui deuoit estre concertée & publiée au liët de Iustice, quelle Roy desiroit tenir à S. Germain, où il deuoit estre fait mention de ladite cessation pendant le reste de la presente année, il ne fust fait aucune mention de l'exécution des Declarations des mois de May, Iuillet & Octobre dernier, ains seulement dans le narré, que le Roy la Reine, & ledit Sieur Duc d'Orleans, donnoient bien de paroles que lesdites Declarations seroient executées; & qu'en cas de contrauention le

Roy en estant aduert y seroit remedié, mais qu'ils ne vouloient point absolument que la condition de ne point innoier aux Declarations fust mise, ny deuant, ny apres la dite cessation d'Assemblée accordée pour le reste de l'année. Qu'eux Deputez auoient proposé plusieurs expediens, pour ne pas rompre sur vne proposition qui ne touchoit que le Parlement, que lesdits expediens par eux proposez estoient que l'on ne parlast point dans la dite Declaration de la dite cessation; mais que l'on se contentast d'en faire vn article secret, & de se fier à la promesse verbale, ou par escrit de tous les Deputez du Parlement pour la Conference; que lesdites Declarations estans entretenues & n'y estans inoué, il ne seroit point fait d'Assemblée pendant le reste de l'année, que pour la reception d'Officiers ou Mercuriales, ont esté lesdits expediens examinez, ensemble vn autre proposé par l'vn des Deputez du Parlement pour la dite Conference, qui estoit de mettre dans le dispositif de la dite Declaration, qu'il ne seroit fait aucune assemblée des Chambres pendant le reste de l'année, si ce n'estoit pour la dite reception d'Officiers & Mercuriales, & qu'ainsi il ne seroit inoué ausdites Declarations: Mais comme ces expediens, au dire de Messieurs les Presidens le Coigneux & Violle Desputez, ne pouuoient satisfaire ledit Sieur Duc d'Orleans, la Compagnie ayant deliberé ce qui estoit à faire en ce rencontre, arreste que les mesmes Deputez rerourneroient vers Monsieur le Chancelier & Monsieur le Tellier Deputez dudit Sieur Duc d'Orleans, & incisteroient par tous moyens à ce que l'on se contentast de la response qu'ils auoient portée, ou que l'on prist vn de ses expediens, ont esté en suite leus les articles dressez par les Desputez commis à cét effet.

Après la lecture est entré le Sieur de Saintot dans l'Assemblée, qui a dit que Monsieur le Duc d'Orleans attendoit response avec impatience: Monsieur le premier President a dit, que l'on la luy porteroit promptement, lesdits Deputez estans partis de l'Assemblée pour executer leur commission, a esté fait lecture d'une lettre, écrite par le Preuost des Marchands de Paris aux Escheuins deputez pour la Conference, & en suite d'une autre écrite par Monsieur le President de Believre à Monsieur le premier President.

Après la lecture desdites lettres, a esté prié Monsieur de la

Nauue Conseiller en la Cour, de porter celle de Monsieur le President de Believre à Messieurs les Presidents le Coigneux & Violle, pour la faire voir à Monsieur le Duc d'Orleans, & la Compagnie s'est leuée.

Peu de temps apres Monsieur le premier President a mandé tous les Deputez, qui se sont rendus chez luy enuiron les six heures du soir, & là rassemblez, Monsieur le President le Coigneux a rapporté qu'il auoit avec Monsieur Violle esté trouuer Monsieur le Chancelier & Monsieur le Tellier; qu'il auoit incité & représenté tous les expediens proposez pour accommoder le differend qui s'estoit meu pour la proposition de la cessation des Assemblées, & leur auoit dit, que pourueu que dans la Declaration où l'on deuoit faire mention de ladite cessation, il y eust des termes significatifs des veritables motifs que l'Assemblée auoit eu pour se relascher à ladite cessation qui estoient l'exécution desdites Declarations des mois de May, Iuillet & Octobre dernier, les termes leur estoient indifferens : Mais que Monsieur le Chancelier leur ayant demandé si c'estoit la dernière resolution, & ayant esté trouuer Monsieur le Duc d'Orleans, il leur auoit dit que l'intention dudit sieur Duc d'Orleans estoit de n'en rien changer, & qu'il ne doutoit pas que dans le dispositif de ladite Declaration il fust fait mention de l'exécution desdites Declarations, donnant parole qu'elles seroient exécutées, mais seulement dans le narré; & que si les Deputez ne le vouloient ainsi, il leur feroit expedier leurs passeports pour demain; mondit sieur le President le Coigneux a en outre rapporté qu'il auoit prié Monsieur le Chancelier de faire voir la lettre de Monsieur le President de Believre à mondit sieur le Duc d'Orleans, & que mondit sieur le Chancelier luy auoit dit l'auoir portée audit sieur Duc d'Orleans, & qu'il ne l'auoit voulu voir. Surquoy, attendu qu'il estoit tard, que l'affaire estoit d'importance, & que Monsieur le President Hicolaï estoit indisposé, a esté remis à en delibérer à demain 7. heures du matin, & a esté renduë la lettre dudit sieur President de Believre à Monsieur le premier President, qui s'est chargé d'y faire response.

Le Mardy 9. de Mars 1649. du matin Messieurs les Deputez assemblez chez Monsieur le premier President, & ayant delibéré sur la response faite par Monsieur le Chancelier le iour d'hyer à Messieurs les Presidents le Coigneux & Violle, a esté

arresté que lesdits sieurs le Coigneux & Violle iroient vers Monsieur le Duc d'Orleans, luy dire que pour le bien de la paix, le respect que l'on porte au Roy, à la Reine, à luy & à Monsieur le Prince, la Compagnie accorde l'Article comme il desiroit, se promettant qu'elle aura satisfaction sur les articles qu'elle donnera; & sur les réponses faites aux Articles proposez de sa part, & qu'il sera fait registre de la parole donnée que la Declaration des Mois de May, Iuillet, & Octobre derniers seront executées, & que la Compagnie ne s'est relaschée à accorder la cessation d'assemblée qu'en consequence de ladite parole & pour le desir de la Paix & tranquillité du Royaume.

Auant que deliberer, Messieurs les Deputez ont enuoyé querir le sieur Saintot, Maistre des Ceremonies, & l'ont prié d'aller dire à Monsieur le Duc d'Orleans qu'ils alloient deliberer, & luy feroient aussi tost réponse & la deliberation estant commencée est retourné peu de temps apres ledit sieur de Saintot, & a dit: Qu'il auoit fait à Monsieur le Duc d'Orleans les ciuilités de la compagnie, qu'il l'auoit trouué s'habillant, qu'en suite il alloit à la Messe, & faisoit estat d'aller dîner à Saint Germain, afin que s'ils auoient à luy faire réponse que ce fust dans cet entre-temps, & ladite deliberation ayant duré plus que l'on n'esperoit, est reuenu ledit Sieur de Saintot sur le midy dire que Monsieur luy venoit d'enuoyer vn Gentilhomme pour luy dire qu'il s'en alloit incontinent partir; Et aussi tost sont partis lesdits Sieurs Presidens le Coigneux & Violle pour porter audit Sieur Duc d'Orleans la resolution de ladite compagnie.

Ledit iour de Mardy 9. Mars 1649. de releuée Messieurs les Deputez assemblez chez Monsieur le premier President, M^{le} President'e Coigneux a raporté que suiuant l'arresté du matin il auoit esté avec Monsieur Violle trouuer Monsieur le Duc d'Orleans au Chasteau de Ruel, où estoit avec luy Monsieur le Prince. Et luy auoit fait entendre que la compagnie accorçoit l'article de la cessation d'assemblées comme il desiroit pour le respect qu'elle portoit au Roy, à la Reyne, à sa personne & à Monsieur le Prince, & pour le desir qu'elle auoit de la Paix & se promettoit qu'il donneroit à ladite compagnie satisfaction sur ses demandes, apres qu'elle auroit consenty vn article d'importance, & qui donnoit en quelque façon atteinte à la liberté

& l'autorité du Parlement ; Que Monsieur le Duc d'Orleans luy auoit respondu, qu'en matiere de Conference si l'on ne tomboit d'accord de tous les articles les autres actordez ne seruiët de rien ; Que Monsieur le Prince auoit dit la mesme chose ; Qu'ayant repris la parole il leur auoit dit qu'il y auoit des articles contre toute raison & apparence, que la Compagnie ne les consentiroit iamais: par exemple le premier. Monsieur le Prince l'interrompit, & dist qu'il ne disoit pas cela comme Deputé, & que si cela estoit on scauroit bien que luy respondre. Et continuant ledit sieur President le Coigneux a dit, qu'il auoit respondu avec liberté adressant sa parole audit sieur Duc d'Orleans; que quand il seroit encores d'une condition plus releuée qu'elle n'estoit, il deuoit croire que ce n'estoit pas le moyen d'auoir les cœurs & l'affection des hommes, en leur tesmoignant que des effets de hayne & de colere, & s'estoient retirez. A esté leu en suite vne lettre du Preuost des Marchands dattee de ce iour escrite aux Escheuins Deputez,

Après la lecture ont esté Deputez Messieurs les President de Nesmond & Menardeau pour porter ladite lettre audit sieur Duc d'Orleans, & luy faire entendre que la Compagnie auoit suiet de se plaindre de l'inexecution des promesses que l'on auoit données, & le prier de faire cesser le sujet de leurs plaintes.

Le Mercredy 10. Mars 1649. du matin Messieurs les Deputez estans assemblez chez Monsieur le premier President, Monsieur le President de Nesmond a rapporté que suiuant l'arresté du iour d'hier il auoit esté avec Monsieur Menardeau au chasteau de Ruel pour parler à Monsieur le Duc d'Orleans, & ayant appris qu'il se promenoit dans le iardin proche les cascades l'y furent trouuer, & luy dirent qu'il auoit esté accordé que dès le iour que la Conference seroit arrestée on laisseroit arriuer à Paris cent muids de bled par iour, neantmoins qu'au lieu de ces cent muids qui deuoient estre à present portez à Paris, il n'en estoit pas entré cent soixante, non manque de bled ny de bateaux : mais par les deffences que l'on faisoit de les laisser passer, au preiudice des paroles données, que cela estoit bien esloigné des esperances qu'auoit conceu la Compagnie, que dès le premier iour de la Conference il y auoit des passages ouuerts, pour auoir non seulement plus grande quantité de bleds, mais aussi des foin, auoynes, chairs, salines,

& autres choses nécessaires pour ladite ville de Paris. Monsieur le Prince les interrompit, & dit que l'on auoit desia laissé passer plus de deux cens cinquante muids de bled : ils repartirent qu'ils auoient assurance du contraire, & qu'il estoit estrange que l'on eust enuoyé vne reuocation sur vne difficulté qui s'estoit meüe à la Conference, puis que l'on auoit donné parole aux Gens du Roy, qu'en cas que la Conference fust rompue on ne laisseroit pas de deliurer lesdits cent muids de bled par iour, iusqu'au iour de la rupture. Monsieur le Duc d'Orleans & Monsieur le Prince dirent hautement, qu'il n'estoit pas vray que l'on eust donné cette parole aux Gens du Roy, qu'ils n'auoient point eu autre ordre que ceux portez par les lettres escrites à Monsieur le premier President, qui portoient quel'on fourniroit le bled selon ce qui se passeroit à la Conference. Lesdits sieurs Deputez repliquerent que ladite Conference n'auoit esté accorder dans le Parlement que sur la parole rapportée par lesdits Gens du Roy, que l'inexecution de cette parole donnoit suiet à la plainte du Parlement, & au dessein qu'ils auoient de reuoker le pouuoir des Deputez, que si l'on ne leur tenoit parole ils estoient obligez de ne passer plus auant. Sur cela Monsieur le Prince leur parla fort hautement & s'estoient retirez : Monsieur le President le Coigneux a pris la parole en suite, & dit qu'il auoit esté ce matin voir Monsieur le Duc d'Orleans, & auoit esté introduit dans sa chambre estant deuant le feu, ne faisant que se leuer, & luy auoit dit qu'il le venoit voir non comme Deputé, mais comme son ancien domestique : que Monsieur le Duc d'Orleans luy auoit demandé s'il ne vouloit pas finir affaire & terminer la Conference ce iour là, & qu'il auoit respondu qu'il estoit impossible, qu'il n'y auoit guere d'apparence que l'on voulust terminer la Conference pour la paix, puis que l'on n'auoit pas tenu la parole que l'on auoit promise : que Monsieur le Duc d'Orleans luy auoit dit qu'il la falloit terminer dès le iour, & au plus tard dans le lendemain, de crainte qu'il ne se fist des actes d'hostilité de part & d'autre qui mettroient les affaires hors des termes d'accommodation qui estoit facile ; qu'il auoit eu plusieurs discours avec Monsieur le Duc d'Orleans, ausquels il auoit pris plaisir, voyant la liberté avec laquelle il deffendoit les interets du Parlement, & qu'enfin il luy auoit dit qu'il pourroit peut estre faire souffrir beaucoup de maux à la Compagnie, mais qu'il ne la forceroit ia mais à

consentir vne paix honteuse & desraisonnable. Apres ce discours ont esté leuës deux lettres, l'une de monsieur le President de Belieure du 9. Mars adressante à monsieur le premier President, & l'autre de monsieur le Prince de Conty, & l'arresté dudit Parlement du 9. Mars, & l'extrait d'une lettre escrite par Cotart Bourgeois de Paris.

Comme on alloit deliberer sur lesdites lettres & arresté, le sieur de Sainctot a frapé à la porte de la chambre de l'Assemblée, & estant entré a dit, que Monsieur le Duc d'Orleans prioit la Compagnie de venir au chateau dans la chambre où auoit commence la Conference, que le lieu seroit plus commode pour les choses qu'il auoit à leur dire. Monsieur le premier President a respondu de l'aduis de la Compagnie, qu'elle alloit monter en carrosse pour aller au chateau, & que l'on apprestast les carrosses, & auant que de partir a esté leu vne lettre datee de ce iour, escrite par les Preuost des marchands aux Escheuins Deputez.

Apres la lecture de laquelle lettre a esté arresté que l'on se plaindroit bien hautement de l'inexecution des promesses du bled, qu'à faute d'y satisfaire on ne passeroit point plus auant à ladite Conference, & aussi tost messieurs les Deputez sont allez au chateau, & estans montez en la chambre de la Conference, monsieur le mareschal de Grandmond y est suruenü, qui a rendu de grandes ciuilités à la Compagnie, tesmoigné auoir pris soin tant qu'il auoit peu de conseruer ce qui appartenoit à messieurs de Parlement, qu'il estoit fort desireux que la paix se fist, que monsieur le Duc d'Orleans & monsieur le Prince la desiroient pareillement, qu'il estoit fort aisé de la conclure, & qu'il y contribueroit de tout ce qui estoit en son pouuoir. messieurs les Deputez luy ont fait plainte de l'inexecution des promesses du bled, & reuocations des ordres donnez, luy ont fait voir l'arresté du Parlement, portant surceance de la Conference, & l'ont prié de faire entendre à monsieur le Duc d'Orleans le iuste sujet de leur plainte, ce qu'il a promis faire & s'est retiré. Peu de temps apres le sieur de Sainctot est entré dans ladite chambre où estoit la Compagnie assise, qui a dit, que monsieur le Chancelier prioit messieurs les Presidents le Coigneux & Violle de venir parler à luy dans vne autre chambre, ce qu'ils ont fait: & estans rentrez incontinent apres ont dit que monsieur le Chancelier leur auoit dit que monsieur le Duc d'Orleans s'impatientoit d'estre si long-temps

sans agir, & desiroit terminer la Conference, qu'ils luy auoient fait entendre que le manquement de promesse de fournir le bled leur empeschoit de pouoir passer outre à ladite Conference. Sur cels Monsieur le Chancelier auoit demandé l'esclaircissement de leurs intensions, & qu'ils auoient dit que messieurs les Deputez ne pouuoient agir qu'ils n'eussent nouuelles certaines de l'arriuee du bled à Paris: & aussi tost lesdits sieurs Presidens le Coigneux & Violle ont esté mandez par Monsieur le Duc d'Orleans, & estans retournez ont dit que Monsieur le Duc d'Orleans leur auoit dit, qu'il vouloit que la Compagnie fust informee des raisons qui auoient donné lieu à la reuocation des ordres pour les bleds, qui estoient qu'ils n'auoient esté promis que suivant que la Conference iroit bien, qu'il falloit venir au fonds, & donner les articles, que la Compagnie ne deuoit point apprehender de mauuaises responses dans le dessein qu'elle auoit de la paix, qu'ils auoient respondu que le bled leur deuoit estreourny iusques au iour de la rupture, & que Monsieur le Duc d'Orleans leur auoit repeté qu'il falloit venir au fonds, que l'on auoit expédié des passe-ports pour faire entrer dans Paris la quantité de bled promise. Peu de temps apres ont esté apportez par le sieur de Sainctot deux ordres du Roy adressez au sieur de Nouailles & d'Amboise commandant à Laigny & Corbeil, & cinq passe ports en blanc avec vne lettre de Monsieur le Tellier à Monsieur le Marechal de Grandmond pour la liberte des Couriers des Deputez qui ont esté leus & mis entre les mains des Escheuins Deputez pour faire leurs depeschés à Paris. A esté en suite delibéré ce qui estoit à faire sur les lettres de Monsieur le President de Belieure, & sur l'Arrest du Parlement, & que Messieurs les Presidens le Coigneux & Violle iroient vers Monsieur le Chancelier & Monsieur le Tellier leur faire entendre, & leur dire que Monsieur le premier President, & Monsieur le President de mesmes prendroient l'heure de Monsieur le Duc d'Orleans pour le voir apres dîné, & a esté prié Monsieur le premier President de faire responce aux lettres de Monsieur le President de Belieure, & mander ce qui auoit esté arresté, ce qu'il a promis faire: & ce sont tous lesdits Deputez retirez en leurs maisons.

Le mercredy dixiesme Mars 1649. deux heures de releuée messieurs les Deputez assemblez chez Monsieur le premier President, Monsieur le President le Coigneux a dit, qu'il estoit allé avec Monsieur Violle suivant l'arresté du matin trouuer Monsieur le Chancelier & Monsieur le
 Tellier,

Tellier, & luy auoient fait entendre le susdit arresté, & fait cognoistre que monsieur le premier President & Monsieur le President de Melme par leur visite qu'ils deuoient faire à monsieur le Duc d'Orleans, auanceroient peut-estre plus les affaires, que l'on n'auoit fait iusques à present, si l'on desiroit les terminer; mais que lesdits sieurs le Chancelier & le Tellier estans entrez en la chambre de monsieur le Duc d'Orleans pour luy faire entendre ce qui s'estoit passé, estoient retournez vers eux peu de temps apres avec des visages rudes, & leur auoient dit, que monsieur le Duc d'Orleans se sentoit offensé de ce qu'ils s'estoient retirez sans luy en donner aduis, qu'il s'en alloit à S. Germain, & alloit reuoker les passeports & ordres donnez pour le bled; Qu'ils auoient reparty ausdits sieur Chancelier & le Tellier que la Compagnie n'auoit iamais manqué de rendre les respects deus à monsieur le Duc d'Orleans, & les rendroit tousiours: mais que cet arresté du matin auoit esté fait pour le respect qui estoit deu au Parlement, qui auoit prié la Compagnie de surceoir à toutes Conference, iusqu'à ce que l'on eust receu à Paris tout le bled promis, A quoy lesdits sieurs Chancelier & le Tellier ce feroient esleuez, Disans que monsieur le Duc d'Orleans vouloit sçauoir si les Deputez auoient plain pouuoir ou non, & qu'il sçauoit bien que les Generaux de paris faisoient brigues dans le Parlement pour la reuocation du pouuoir desdits Deputez, & qu'il alloit reuoker les ordres donnez pour la fourniture entiere du bled promis, qu'il falloit conclure & qu'il demandoit des articles, & que si dans vne heure on ne luy donnoit satisfaction il s'en alloit à S. Germain. Comme on deliberoit sur cette responce monsieur le Mareschal de Grandmond a demandé à parler à la Compagnie, & estant entré dans la chambre a dit qu'il demandoit pardon s'il auoit interrompu leur deliberation, mais que s'en retournant à S. Cloud il n'auoit voulu manquer de prendre congé de ladite Compagnie. messieurs les Deputez l'ont remercié de ses ciuilitiez, & luy ayant fait entendre la responce de monsieur, se sont plains d'un procedé qui faisoit voir qu'au lieu de faire vne Conference avec eux on leur vouloit donner la loy, & que dès qu'ils resistoient on les menassoit de leur faire expedier des passeports pour s'en retourner, ou de reuoker les ordres donnez pour les bleds promis. Ont demandé en suite audit sieur mareschal si monsieur auoit reuoké lesdits ordres, & ledit sieur mareschal ayant respondu qu'il ne le croyoit pas. Est entré ledit sieur de saintot qui a dit qu'il

n'y auoit point de reuocation: En suite dequoy ledit sieur marschal a
exageré les mors qui suiuoient de la rupture de la paix tant desirée de
tous les bons François, & protesté sur sa vie & son honneur que Mon-
sieur le Duc d'Orleans auoit desir de la faire, & que s'ils auoient donné
leurs articles vne heure après elles seroient terminées, messieurs les De-
putez l'ont prie d'y contribuer ce qu'il pourroit, ce qu'il a promis, &
s'est retiré, & d'un commun aduis a esté resolu de charger ledit sieur de
Saintot d'aller dire à Monsieur le Duc d'Orleans que l'on alloit tra-
uailer aux articles, & que dans auourd'huy on les porteroit, ont esté
en suite leus quelques articles qui ont esté mises au net, & mises entre
les mains de Monsieur le premier president & Monsieur le President de
mesme, qui les ont portees à Monsieur le Duc d'Orleans,

F I N.

